

seria bisogno che sempre vi dicesse d'oro et d'argento vestiti, et levate di quelle damigelle che più
 174 a ciascuno agradavano, si cominciorno varie danze, le qual finite comparse il Re et per mano havea il signor visconte de Tùrena orator francese, et dopo Soa Maestà seguivano 4 copie de signori in maschera. Tutti haveano ciascun bolzagini in piedi di veluto nero, et si ordinati aziò non si scernesse el Re dalli altri, quale per el male che alli di passati giocando alla pala si fece al piede manco, porta uno bolzachin di veluto nero. Haveano poi uno saggio di soprarizo et sopra una veste molto longa et larga de ormesin nero con papafigi de l'istesso ormesin, et in capo una bareta di veluto tanè, et per mano altrettante signore. Presi, si danzarono con gran piacere, et nel fin del ballo si levaron le maschere. La principessa da novo con la soa compagnia descesa vene al Re, la qual in presentia deli signori oratori francesi da Soa Maestà levatagli la bareta et il vete (?) fu descaviata, onde giù per le spalle si snodoron tanti fili d'argiento et così grati ad veder, quanto in altro capo bellissimi se sian mai veduti. Dalla qual prefati signori oratori presero licentia, et dal bel luoco tutti usciti se retornò alla sala dove s'era cenato. Et quivi si viddero le tavole cariche de ogni sorte de confitione et vini pretiosi, con li qualli chi volse si confortò. Il Sole, forse de sì raro spectaculo da Mercurio advertito, s'era credo per intervenirvi molto afretato, tal che già sopra el nostro orizzonte si era scoperto. Della venuta sua dunque advisati, parve ad ognuno tempo lassando le regal stantie ritornar alle nostre capane, con li ochi dal sonno si gravi, che'l lume del giorno non li poteva tener aperti. Per la celere partita del reverendo episcopo di Terbe, che serà domatina, non sarò più longo etc. Con el prefato episcopo vi va maestro Poin et Clarentio re d'arme, per operar quanto ho scritto per altre mie. Ciascun deli oratori francesi parteno donati da questa Maestà di una coppa d'oro.

175 Dapoi disnar fo Pregadi, et lete le soprascritte lettere fu posto per li Consieri et Cai di 40 una parte, hessendo li Savii dentro a consultar, che vachando doi Savii ordinarii et dovendosi di brieve far li tre ordinarii, per tanto sia preso che *de praesenti* far si debbi eletion di 5 Savii del Conseio; li tre haverano più balote siano ordinarii, et li do siano per tutto Setembrio. Et tutti entrino *de praesenti*. Et fu presa. Ave 144 di sì, 28 di no, 1 non sincera. Tolti numero tra li quali sier Piero Lando fo Savio del Conseio, et per esser remasto Capitanio

zeneral di mar, li Consieri terminorono che non si potesse provar, atento *maxime* che del 1514 fu preso in Gran Conseio che sier Andrea Gritti procurator *nunc* Serenissimo electo Savio del conseio, fino che l'armi, possi esser electo, sì che, stante la ditta parte, non fu trovado tre di Savii rimasti è in Colegio et li do introno subito.

Scurtinio di 5 Savii del Conseio, zoè tre ordinarii et do per 4 mexi ut in parte.

Sier Giacomo Soranzo el procurator	91.134
Sier Zuan Badoer dotor et cavalier fo capitano a Verona	47.177
Sier Marco Dandolo dotor et cavalier fo savio del Conseio	106.121
Sier Hironimo Justinian el procurator, fo savio del Conseio	93.136
Sier Francesco Foscari fo savio del Conseio, qu. sier Filippo procurator	91.135
Sier Hironimo Loredan fo capitano a Padoa, qu. Serenissimo	71.150
† Sier Domenego Trivixan el cavalier procurator, savio del Conseio	182. 39
† Sier Lunardo Emo fo podestà a Padoa, qu. sier Zuan et cavalier	126. 97
† Sier Lunardo Mocenigo el procurator savio del Conseio, qu. Serenissimo	174. 48
Sier Francesco da cha da Pexaro fo podestà a Padoa, qu. sier Marcho	75.149
Sier Sebastian Justinian el cavalier, è ambassador al Christianissimo re di Franza	91.133
Sier Trum fo podestà a Verona, qu. sier Alvise	49.174
Sier Alvise Gradenigo fo Cao del Conseio di X, qu. sier Domenego el cavalier	77.149
Sier Piero da cha da Pexaro el procurator	103.119
Sier Daniel Renier fo savio del Conseio, qu. sier Costantin	116.110
† Sier Polo Capello el cavalier procurator, fo savio del Conseio	141. 76
† Sier Zorzi Corner el cavalier procurator, savio del Conseio	182.40

Fu posto, per li Savii del Conseio et terra ferma, 175* una lettera a l'Orator nostro in Franza in risposta di soe. Et inteso le provision grande deliberate di